



菩薩願斷衆生見纏煩惱塵勞

智銘

「大智度論」集粹之七

諸菩薩能見無量諸佛世界，諸佛世界無量清淨，乃發種種願。有佛世界都無衆苦，乃至無三惡之名者，菩薩見已，自發願言：「我作佛時，世界無衆苦，乃至無三惡之名，亦當如是。」見有佛世界七寶莊嚴，晝夜常有清淨光明，無有日月。便發願言：「我作佛時，世界常有嚴淨光明，亦當如是。」見有佛世界一切衆生皆行十善，有大智慧，衣被飲食，應念而至。便發願言：「我作佛時，世界中衆生，衣被飲食，亦當如是。」見有佛世界，純諸菩薩，如佛色身三十二相，光明徹照，乃至無有聲聞、辟支佛名，亦無女人。一切皆行深妙佛道，遊至十方，教化一切。便發願言：「我作佛時，世界中衆生，亦當如是。」如是等無量佛世界嚴淨，願皆得之。以是故，名菩薩願受無量諸佛世界。

菩薩願爲導御，能有所成。如佛所說：「有人修少施福，修少戒福，不知禪法。聞人中有富樂人，心常念著，願樂不捨，命終之後，生富樂人中。復有人修少施福，修少戒福，不知禪法。聞有四天王天處三十三天、夜摩天、兜率陀天、化樂天、他化自在天、心常願樂，命終之後，各生其中。此皆願力所得。菩薩亦如是，修淨世界願，然後得之。以是故，因願受勝果。」

莊嚴佛界事大，獨行功德不能成故，須要願力。譬如牛力雖能挽車，仍須御者，方能有所至，淨世界願，亦復如是。福德如牛，願如御者。願能助福，常念所行，福德增長。罪福雖有定報，但作願者修少福，有願力故得大果報。罪中報苦，一切衆生皆

願得樂，無願苦者，是故不願地獄。以是故，福有無量報，罪報有量，故若衆生發願修少福慧，即得大果報，免受地獄苦。最大罪在阿鼻地獄一劫受報。最大福在非有想非無想處，受八萬大劫報。諸菩薩淨世界願，亦無量劫，入道得涅槃，是爲常樂。

菩薩念無量佛土，得入佛道中，以是故，念佛三昧，常現在前。念佛三昧，能除種種煩惱及先世罪，餘除三昧，有者能除淫不能除瞋；有者能除瞋不能除淫；有者能除癡不能除淫、恚；有者能除三毒不能除先世罪。是念佛三昧，能除種種煩惱、種種罪。念佛三昧有大福德，能度衆生，是諸菩薩欲度衆生，諸餘三昧無如此念佛三昧福德，能速滅諸罪者，濟諸苦厄。佛爲法王，菩薩爲法將，所尊所重，唯佛世尊，是故應常念佛。常念佛，得種種功德利，菩薩知種種功德、無量智慧，皆從佛得，知恩重故，常念佛。

菩薩能請無量諸佛說法，佛法等視衆生，無貴無賤，無輕無重，有人請者，爲其請故，便爲說法，雖衆生不見佛，佛常見其心，亦聞被請。假令諸佛不聞不見，請佛亦有福德，何況佛悉聞悉見。佛必應請而爲說法，若不請而說，人當謂佛愛著於法，欲令人知，以是故，要待人請而轉法輪。諸外道輩自著於法，若請若不請而自爲人說。佛於諸法不着不愛，爲憐愍衆生故，有請佛說者，佛便爲說，諸佛不以無請而初轉法輪。復次，佛若無請而自說法者，是爲自顯自執法，應必答十四難。今諸天請佛說法，

但爲斷老、病、死無戲論處，是故不答十四難無咎。以是因緣，須請而轉法輪。又者，佛在入中生，用大人法故，雖有大悲，不請不說。若不請而說，外道所譏。以是故，初要須請。復次，菩薩法，晝三時、夜三時，常行三事：一者、清旦偏袒右肩，合掌理十方佛，言我某甲，若過去世無量劫，身、口、意惡業罪，於十方現在諸佛前懺悔，願令滅除，不復更作。中、暮、夜三，亦復如是。二者、念十方三世諸佛所行功德，及弟子衆所有功德，隨喜勸助。三者、勸請現在十方諸佛初轉法輪，及請諸佛久住世間無量劫，度脫一切。菩薩行此三事，功德無量。轉近得佛，以是故須請。

菩薩能斷種種見、纏及諸煩惱。見有二種：一者常，二者斷。常見者，見五象常，心忍樂，斷見者，見五象滅，心忍樂。一切衆生，多隨此二見中。菩薩自斷此二，亦能除一切衆生二見，令處中道。復有二種見：有見、無見。復有三種見：一切法忍，一切法不忍，一切法亦忍亦不忍。復有四種見：世間常、世間無常、世間亦常亦無常、世間亦非常亦非無常。我及世間有邊、無邊，亦如是。有死後如去，有死後不如去，有死後如去不如去，有死後亦不如去亦不如去。復有五種見：身見、邊見、邪見、見取、戒取。如是等種種諸見，乃至六十二見斷。菩薩念如是諸見，種種因緣生，種種智門觀，種種師邊聞，如是種種相，能爲種種法使作因，能與衆生種種苦。是故，菩薩應自斷，亦願衆生斷。

纏有十種，瞋纏、覆罪纏、睡纏、眠纏、戲纏、掉纏、無慚纏、無愧纏、慳纏、嫉纏，尚有言五百纏者。凡一切煩惱結繞心，盡名爲纏。煩惱者能令心煩，能作惱故，名爲煩惱。煩惱有二種：內著、外著。內著者：五見、疑、慢等。外著者：淫、瞋等。無明內外共。結有二種：一、屬愛。二、屬見。尚有三種：屬淫、屬瞋、屬癡。是名煩惱。煩惱名一切結使。結有九，使有七，合爲九十八結。如阿毗曇義中說：十纏、九十八結，爲百八煩惱。如是諸煩惱，菩薩能種種方便自斷，亦能巧方便斷他人諸煩惱。爲諸衆生種種善巧說法，斷諸見、纏、煩惱。

諸菩薩禪定心調，清淨智慧方便力故，能生種種諸三昧。何等爲三昧：善心一處住不動，是名三昧。復有三種三昧：有覺有觀、無覺有觀、無覺無觀三昧。復有四種三昧：欲界繫三昧、色界繫三昧、無色界繫三昧、不繫三昧。是中所用菩薩三昧，如先說於佛三昧中未滿，勤行勤修故，言能出生。衆生無量心，心行不同，有利有鈍，於諸結使，有厚有薄，是故，菩薩行百千種三昧，斷其塵勞，菩薩心生諸三昧，欣樂出入自在，名之爲戲，非結愛戲也。自在無畏，故名爲戲。是諸菩薩於諸三昧有自在力，能出入。餘人於三昧中，能自在入，不能自在住、自在出。有自在住，不能自在入、自在出。有自在出，不能自在住、自在入。有自在入自在出，不能自在入，不能自在出，不能自在住、自在入。是諸菩薩能三種自在故，言遊戲出生百千三昧，斷衆生煩惱塵勞。

(完)

卍 卍 卍 卍

(上接第20頁 懷念法舫法師上生三十週年 註解)

⑥ 全部講詞被輯在「真理之光」。於公元一九四八年佛誕日在歐洲印行。計有：「中印文化與東南亞洲」、「大同思想與大東佛教」、「印度文化及其文化人」、「佛學與中國文化」、「人生與佛學」、「建立人間佛教」、「爲何學佛與怎樣學佛」，及「從唯心淨土說到人間淨土」。

⑦ 見印順法師述「法舫法師行傳」。(無量燈刊第一卷第二期)

⑧ 南傳巴利三經爲：「吉祥經」、「大悲經」及「三寶經」。

⑨ 見陸根法師：「失了我敬愛的親教師」(無量燈刊第一卷第二期)

⑩ 見法舫法師之「唯識史觀及其哲學」的「原序」。

⑪ 馬拉拉錫格拉博士於公元一九〇二年在錫蘭出生，在英國受教育，取得哲學博士學位，曾任錫蘭駐蘇聯大使，及駐倫敦高級專員，聯四屆世界佛教友誼會會長，後於公元一九七三年四月病逝於斯里蘭卡(錫蘭)。

⑫ 見了參法師之「舫公在錫蘭之生前死後」。(無量燈刊第一卷第二期)